

26
MEINARDI SIMONIS
D U P U I

ORATIO INITIALIS

D E

LEGUM NATURALIUM VI ET
RATIONE, IN USUM ARTIS
CHIRURGICAE ATQUE OB-
STETRICIAE PRUDENTER
A D H I B E N D I S

P U B L I C E H A B I T A

Die xxvii. Septembris A. MDCCCCLXXXI.

Q U U M


IN ACADEMIA LUGDUNO-BATAVA EXTRA-OR-
DINARIAM CHIRURGIAE PRACTICAE ET
ARTIS OBSTETRICIAE PUBLICE DOCEN-
DAE PROVINCIAM SOLENNITER CAPESSERET.

LUGDUNI BATAVORUM,
APUD FRATRES MURRAY,
M D C C X C I.



*Conspecta ad Mechanismum adplicans abditas detegit
harum partium virtutes.*

BOERHAAVE Orat. *de Ufu Rat. Mech. in Med.*



V I R I S

PERILLUSTRIBUS ET GENEROSISSIMIS,

ACADEMIAE LUGDUNO-BATAVAE

C U R A T O R I B U S,

GUILIELMO LUDOVICO
BARONI VAN WASSENAER,

DYNASTAE STARRENBURGI, EQUESTRIS HOLLANDIAE.
ORDINIS MEMBRO, EJUSDEMQUE NOMINE IN CONSES-
SU DELEGATORUM HOLLANDIAE ORDINUM PRIN-
CIPEM LOCUM TENENTI, AGGERIBUS ET VIIS RHE-
NOLANDIAE CURANDIS PRAEFECTO, SA-
T R A P A E. D A L E M I, ETC. ETC. ETC.

GUILIELMO ANNAE
L'ESTEVENON, J. C.

LIBERO TOPARCHAE IN HAZAARSWOUDE, CIVITATIS
HARLEMENSIS NUPER SENATORI, ETC. ETC. ETC.

P E T R O H E N R I C O
VAN DE WALL, J. C.

URBIS DORDRACENAE SENATORI ET CONSULARI
VIRO, PATRIMONII PUBLICI, QUOD EX TRACTU
HOLLANDIAE MERIDIONALIS, ET AGRO HEUS-
DANO REDIT, QUAESTORI SUMMO, ETC. ETC. ETC.

EO-

EORUMQUE COLLEGIS
AMPLISSIMIS NOBILISSIMISQUE

V I R I S,

CIVITATIS LEYDENSIS CONSULIBUS,

J A C O B O B A R T R A M
VAN DEN S T E E N, J. C.

ACADEMIAE QUAESTORI.

SIMONI DROLENVAUX, J. C.

REI VENATICAE IN HOLLANDIA PRAEFECTO.

PETRO JOANNI MARCUS, J. C.

SOCIETATIS INDIARUM OCCIDENT. MODERATORI.

ADRIANO VAN HEUSDEN, J. C.

N E C N O N

GRAVISSIMO CONSULTISSIMOQUE

V I R O

JOSIAE JOANNI HUBRECHT, J. C.

ILLUSTRI CURATORUM CONSULUMQUE
COLLEGIO AB ACTIS.

HANC ORATIONEM VENERABUNDUS

D. D. D.

MEINARDUS SIMON DU PUI.

MEINARDI SIMONIS
D U P U I
ORATIO INITIALIS

D E

LEGUM NATURALIUM VI ET
RATIONE, IN USUM ARTIS CHI-
RURGICAE ATQUE OBSTE-
TRICIAE PRUDENTER
ADHIBENDIS.

RECTOR ACADEMIAE MAGNIFICE.

PERILLUSTRES ET GENEROSISSIMI ACADEMIAE BATA-
VAE CURATORES.

NOBILISSIMI AMPLISSIMIQUE CIVITATIS LEYDENSIS
PRAETOR; CONSULES; JUDICES; QUIQUE AMBOBUS
COLLEGIIS A CONSILIIS ET ACTIS ESTIS, VIRI GRA-
VISSIMI.

PRO-

PROFESSORES OMNIUM DOCTRINARUM ARTIUMQUE
CLARISSIMI.

QUI TRIBUNALI ACADEMICO AB ACTIS ES, VIR SPEC-
TATISSIME.

VERBI DIVINI NUNTII SUMME REVERENDI, DISER-
TISSIMI.

MATHESEOS ET HISTORIAE NATURALIS PRAELECTO-
RES ERUDITISSIMI.

DOCTORES OMNIS DOCTRINAE PERITISSIMI.

QUOTQUOT PRAETEREA ADESTIS, CIVES, HOSPITES,
SUO QUISQUE LOCO ET HONORE CONSPICUI.

VOSQUE IMPRIMIS, QUI AD HANC BONARUM ARTIUM
MERCATURAM UNDIQUE CONFLUXISTIS, JUVENES
PRAESTANTISSIMI, COMMILITONES PEREXIMII.

ORA-

ORATIO INITIALIS.

Quotiescunque humani corporis Naturam penitus rimari cupimus, ad omne, quod in illo praesens est, quodque ejus vi producitur, actionis phaenomenon attendamus necesse est.

Quo in examine solemus instituto, **AUDITORES**; dum admirandorum effectuum complexum actionumque, quae ex corporis fabrica & viribus profluunt, varietatem atque elegantiam studiosius consideremus, ad leges ratas atque immutabiles humanam, veluti reliqua corpora, constructam esse machinam facile cernimus.

Atqui duplex actionum genus in Homine cum obtineat; unum vigente sanitate, alterum praesente morbo; — atque utrumque suas habeat causas viresque phyficas, non tantum sanitatis phaenomena viresque, quibus efficitur, sed & illa, quae praesente morbo, comparent, modum-

A

que,

que, quo propriae salutis Natura prospicit, considerare oportet (*).

Habet illa consideratio duplicem usum: demonstrat quippe ab una parte, AUDITORES, *Naturam Humanam, statis à CREATORE legibus finitam, per similia individua sese multiplicantem, omni tempore eadem, sub iisdem conditionibus eodem semper modo agere ac pati (**)*; sed ab altera parte docet, Medici esse officium, dum medicamentis, five manu opem adferre conatur, ut has Leges, quibus humanum corpus regi comperit, sedulo observet, atque in usum practicum prudenter convertat.

Cogitatus hanc rem expendenti argumentum non incongruum fore mihi visum fuit, si hoc festo die, quo hac in Academia Chirurgiae Practicae atque Artis Obstetriciae docen-

(*) HOC HIPPOCRATI inter alia loca Lib. VI. de Morb. Vulg. Sect. V. §. 1 & 2., GALENO variis in locis; — omnibus. quotquot illos infecuti fuerunt, agnitum est.

(**) III. GAUBII verba sunt §. 20. Inst. Path. Med.

cendae munus, in me liberalissime collatum, auspicari licet, demonstrare nitar, in exercenda utriusque, quam profite-
mur, doctrinae Praxi, non aliam, quam quae à cogni-
tione Naturae proficiscitur, instituendam esse normam.

Dicam igitur DE LEGUM NATURALIUM VI ET
RATIONE, IN USUM ARTIS CHIRURGICAE AT-
QUE OBSTETRICIAE PRUDENTER ABHIBENDIS.

Adeste, AUDITORES, aequis auribus, animisque, ac
meam in dicendo tenuitatem atque imperitiam Vestra hu-
manitate, aequitate & benivolentia, quibus ex loco hoc
spectatissimo verba facturos excipere soletis, excusare ne
gravemini!

Quicumque structuram corporis humani, illius solida ac
fluida; — continentia ac contenta ob oculos sibi posuerit,
atque ex eleganti partium fabrica actiones ejusdem confi-
deraverit, facile hanc mecum, opinor, sententiam tuebi-
tur, corpus humanum Corpus esse Physicum, & illius con-

structionem neque ad usum meliorem, neque ad speciem pulchriorem, (*) fingi formarique potuisse.

Compagis igitur habita ratione, quaevis ejus particula, solida, fluida; — quodvis ex illis constructum organum; — totus Homo Legibus Physicis obtemperat, omnisque ejus fabrica, ad *Proportionis*, *Mensurae*, *Ponderis* aliasque Leges exacta, omnibus actionibus apprime respondet.

Quae de partium proinde *Proportione*; — de corporum *Gravitate* & *Aequilibrio*, *Motu* & *Quiete*, aliisque Legibus praecepere Physici, & in humano corpore, quae considerentur attentius, dignissima sunt.

Habent haec omnia tantam in Artis imprimis Chirurgicae atque Obstetriciae usu vim, ut in dignoscendis, praedicendis, curandis, vel sublevandis affectionibus eo felicius versaturi sint, qui Leges Physicas exactius cognoverint, harumque ad normam suas instituerint actiones.

Quae

(*) Ut ait CICERO de *Nat. Deorum* l. 2.

Quae quo clarius appareant, spectate mecum, AUDITORES, *Proportionis, Gravitatis, Motus & Aequilibrii* Leges!

Quicumque pulchritudinem & partium omnium nostri corporis proportionem & in homine ipso & ad hominem in picturis statuisque, Veterum imprimis, pro diversa aetate, mirari vel leviter edoctus est, hominum incrementum (giganteae molis an pumiliones supponamus) non opus Naturae tumultuarium asseret, sed juxta leges ratas ab ipso hominis rudimento ad plenam ejusdem perfectionem procedere, atque in illis geometricam adeo quidem servari proportionem, ut VITRUVIUS (*) olim ad normam proportionis, quae in homine est, aedificia componi voluerit, nec pulchra alias censuerit.

Et fieri aliter non potuit, AUDITORES, aut Legum Physicarum in corpore series, inter hanc partium certa ratione evolutarum proportionem nexa & velut colligata, diffran-

ge-

(*) Libr. 3. c. 1. p. 79 Ed. 1586. Lugd.

geretur penitus & dissociaretur. Quae enim de Gravitatis, Motus & Æquilibrii totius corporis & ejus partium diversarum Legibus mox notabuntur, evanescerent utique, nisi proportionis totius hominis & partium diversarum inter se lex primaria & à DEO corpori humano foret indita & constanter eodem effectui notata.

Non dicam pulchritudinis hinc potissimum enasci sensum, sed, quod nostrâ imprimis refert, insignem Arti Chirurgicae adferri utilitatem ex hac lege rite perspecta millena docent exempla.

Venusta illa & quae ad actiones rite peragendas requiritur proportio ut in ossium fracturis, extremitatum praecipuis, conservetur, quanta non agi debet cura! — In his illa si negligatur, atque aut non satis, aut nimium extendantur partes, vel accurtentur membra; vel, callo intercrecente, iis concilietur immodica magnitudo, peribit necessaria partium proportio, & deformitati, claudicationi aliisque vitiis causam dabit.

Ro-

Rotula, orbis in genu figuram habens; Ulnae apophysis (*Olecranon* vocant) superior ad utrumque articulum & quas occupant cavitates proportionem habent demensam: fac, fractis hisce forte, neglecta proportione naturali, coëant longius; — turbata haec turbabit incesum proportio; — ex ordinata stabilem ante, ex inordinata vacillantem producet, eidem in altero genu vitio causam dantem. Nec alia in cubiti articulo contingere debere ex hoc neglectu palam est: hujus enim processus elongationem, articulo ejus non responsuram, & extensionem & flexionem difficilem, vel rigiditatem secum ferre debere, quis, harum rerum peritus, facile intelligit (*).

Mitterem, AUDTIORES, Legum harum *Proportionis* contemplationem atque ad alia transirem; verum si ad rationem, quae partum inter & partes

par-

(*) Conf. de hac re SHELDON on the fracture of the Kneecap and Olecranon, London 1789.

partui dicatas est, attendam, huic ut paucis insistam, ejus indicant utilitas atque elegantia.

In conservando genere humano hanc Legem servari voluit omnium rerum AUCTOR, progeniem ut suam conciperet & statuto tempore excluderet; — in millenis casibus hanc partus exclusionem fieri felicissime videmus. Ergo ut huic legi sua maneat stabilitas, utriusque mensurae, foetus matrisque, proportio requiritur.

Atque illud & seculorum praeteritorum evincit experientia, & in usum humani generis quotidie convertit Ars Obstetricia; nec in partu tantum naturali, sed in praeternaturali has proportionis sequens leges, naturam ex aberranti quandoque tramite, humani generis praesentis & futuri comodo, reducit peritissime.

Scilicet in cadaveribus gravidarum viscera lustranti foetusque diverso graviditatis termino in utero situm contemplanti patuit, suâ gravitate ex umbilico suspensum foetum capite deorsum inclinare; — increfcente foetu,

pla-

planitiem capitis lateralem gravidæ vertebris imponi; —
menti autem apicem, quia muscoli in capite infantis hac
parte longius distant à centro motus quam in parte cervi-
cis, & propter ipsam centri motus gravitatisque in capite
diversitatem, — propter, has, inquam, causas menti
apicem in pectus depressum contineri; — uteri ostium
ejusque cervicem pro ratione incrementis foetus expandi,
quo sic, certa positione, nec ultra quam cervix extenditur,
descendere queat, sicque tandem obliqua hac positione
ingredi aperturam pelvis superiorem, donec ad demen-
sam perveniens magnitudinem in alterutrum impingat os
Ischion, ex quo, enatis partus doloribus, nullam à re-
laxatis partibus mollibus moram offendens, sub pubis arcu
foras, occipitio primum, dein, converfis humeris, sub
eodem toto pellatur corpore.

Cum itaque ab ipso graviditatis initio ad finem usque
Natura hoc in opere suo, istum modum, istam viam te-
neat, ac præterea partium, quæ partui inserviunt, illa ad

foetum sit apta proportio, ejusdem naturae Problema enucleatum est, Legumque in his observatarum constantia, perpetua fere semper (nisi foris adventitiae accedant causae) explicita dilucide.

Atqui solers idem & indefessum examen in Pelvi id detexit: in hac quippe bene constituta mensuras agentes tales invenère, ut in superiori parte minima sit, quae ex Offe sacro ad Pubis oram duceret Diameter recta; major, hanc quae ad angulos interfecet rectos, maxima, quae inter utraque intermedia, dum in ejus inferiori parte, sive exitu, contraria obtineat ratio. — Atque hanc dimensionem cum observassent, illamque rationem ad caput, totumque infantem comparassent, viâ, quam foetus in partu sequitur, per observationem delineatâ, Naturae processum illiusque agendi modum physicum feliciter detexere.

Haec omnia, AUDITORES, animo, qui sensu pulchri imbutus sit, cum attendamus, quanta admiratione non abripimur! — quantique admirandam CREATORIS SA-

PIENTISSIMI providentiam aestimare non debemus, qui, hasce proportionis praescribens leges, & progeniei futurae habuerit curam & parturienti prospexerit benignissime!

Qui de pariendi actu huc usque dicta consideraverit, utilitatem in Embryulciam gravissimam, ex Legum illarum Naturalium contemplatione, facile agnoscet,

Ad hanc Proportionis normam, observatione fidissima compertam, qui in quacunque aberratione partus suam instituerit actionem, unum semper idemque tantum Problema physicum sibi solvendum suscipit, — illud videlicet, *ut cognita dimensione & forma pelvis, foetus educatur, cujus volumen & figura patent, per vias huic respondentes & modo quidem, salutis utriusque, partus & parturientis, accommodatissimo.*

Quae quidem res quo fiat clarior, ponamus, AUDITORES, quod non raro accidit, exacto graviditatis tempore, doloribus obortis, maximam foetus capitis dimensionem minimae superioris pelvis diametro obferri; —

vel, alio in casu, dorsum, abdomen, vel foetus latera ad uteri ostium internum inveniri. — Quaecunque etiam Natura instituat molimina, irrita erunt, nec finem attingere desideratum valebit. Hunc partum absolvere Artis erit opus; — cujusnam autem? — talis nimirum, quae noverit rationem totum inter foetum, ejus partes, pelvisque dimensiones varias; — talis, quae, naturalis partus ad normam, vel instrumentis, vel manu, vel utrisque ita in utero composuerit foetus positionem; — ita illam ordinaverit, ut partes tam matris quam, foetus apta ratione inter se congruant. — Hoc modo, Naturae errore correcto, aut illum educere ipsius valebunt molimina; aut arte, matre foetuque salvis, absolvi partus felicissime.

Neque alio modo, quicumque etiam Embryulco in partu difficili & praeternaturali obveniant casus, suam unquam instituat actionem oportet, sed tali semper dirigat modo, ut in quocunque casu, a naturali abludenti, artem experientia faciat, Naturae exemplo monstrante viam.

Atque sic, AUDITORES, exemplis abunde constitit, quantae utilitatis sit Leges corporis humani Physicas, quae ex *Proportione & Mensura* depromptae sunt, observare & in usum utriusque, quam profitemur, Artis convertere: Hinc suus utrique Doctrinae parti stabit honos; — hac viâ progressus fecit, facietque majores; — hac demum promotâ, promovebitur utraque Doctrina & in his Naturae ministros Chirurgos esse atque Embryulcos ut illis gloriosum, sic utrique Arti proficuum erit quam maxime.

Pergamus nunc ad ista commoda, quae in humano corpore Legum *Gravitatis, Motus & Aequilibrîi* consideratio praestat.

Humanum Copus, ex arbitrio CREATORIS, tali constructum modo, ut, erecto capite, pedibus insisteret, irregularis figurae cum sit, formae variae, & gravitatis diversae, tali modo fingi, formarique debuit, ut suum aequilibrium conservare posset, inevitabilibus aliter expositum calamitatibus.

Et certe magnus olim BORELLUS (*), DESAGULIERIUS (**) aliique apta hunc in finem in humano corpore instituentes experimenta, comperere indubie, in homine adulto Centrum gravitatis commune (quod in omnibus corporibus sustentatum omnes in aequilibrio tenet illorum partes, ut notissimum) in plano inveniri, quod cogitatione ex natibus ad os Pubis ducitur; idemque illud punctum recens natis & adolescentibus mutabile esse; — adscensurum, — descensurumve pro aetate varia, ac lineam ea propter peragraturum, quae Umbilicum & Pubem inter ambigat.

Neque, AUDITORES, haec Centri communis gravitatis consideratio sola sufficit; ad plenam praeterea aequilibrii cognitionem in homine erecto ad Lineam in corpore commentitiam attendendum est, quae ita quidem illud dividit

(*) *De Motu Anim.* P^{te}. 1^a. Prop. 134.

(**) *Natuurk.* T. 1. p. 62. Nota 9. Tab. 5. fig. 8 & 9.

vidit, ut, quo, per suam structuram, nimia materiae quantitate ad unum latus flectat, alterum versus aequilibrio inclinēt. — Haec linea, cum omnia puncta, in quibus diversarum omnium nostri corporis partium gravitas & ejus centra quasi collecta sunt, percurrat, ex usu *Gravitatis*, *Inclinationis*, *Propensionis* vel *Barocentrica* adpellatur.

Hujus Lineae ductum in corpore ut detegamus verumque & elegantem mechanismum eruamus, ejus *Catagraphum*, ejus *Imaginem obliquam*, ut vocat PLINIUS (*) contemplari debemus; quo facto, quae in hoc mechanismo conspicienda sit elegantia, prodibit tota. — Scilicet in cadavere, ferrae ope, ita exacte dividatur corpus, ut ejus sectio medium transeat caput, centra percurrat vertebrarum; os sacrum pubisque perfecet, & vera sic nostri corporis forma, vera ejus figura perspecta erit. — Ex medio nunc vertice demittatur linea, totum ex aequo corpus

(*) Lib. 35. c. 8. §. 34. p. 690.

pus dividens, tuncque illa generabitur, quam mox indicavimus, quaeque totius nostri corporis gravitatis percurrit Centra.

At vero quasnam, AUDITORES, nostri corporis partes hanc percursum Lineam creditis? — à vertice ad basin capitis exacte interfecabit condylos, quibus *Atlanti* superimponitur; — corpora transcendet vertebrarum colli; — extra eadem in pectore; — supra eadem in lumbis invenietur, & demum, pelvim & commune gravitatis Centrum dum interfecat, pedes inter terminabitur.

Quis haec attendens non videt, hanc lineae directione palam fieri, caput nostrum trunco ita superimponi, ut omni ex parte non aequiponderet tantum, sed ejus & gravitatis & motus Centra conspirent exactissime; — protrudi praeterea collum, posteriora versus cedere pectus, in anteriora iterum lumbos & in oppositam partem os sacrum, quibus fit, ut columna vertebralis non recta sit ac stipitis instar rigeat, verum figuram accipiat flexuosam, quam ad

Na-

Naturam elegantissime descripsit HIPPOCRATES (*) & hanc circa omnes in aequilibrio partes corporis?

Haëtenus de *Æquilibrio* in homine stante: verum cum ad progrediendum etiam Natura corpus finxerit ad *Centrum motus* adhuc attendendum est.

Ad Ossis sacri latera (ut notissimum) in cõxarum Ossibus *Illud* invenitur; in harum quippe cavitatibus capita femorum, cruribus pedibusque conjuncta, tali locata sunt modo, ut truncus super haec & vicissim haec super illum facile moveri queant. — Ex harum cavitatum centris jam fictam si ducamus Lineam, priorem, *Gravitatis* scilicet, ad angulos interfecantem rectos, ostenditur facile, in adulto illam *in Centro* gravitatis, in adulto claudicante, de quo mox, *supra Illud* & in infante *infra Idem centrum* inveniri.

Videamus nunc, AUDITORES, quae ex his Gravita-
tis,

(*) Lib. de Articulis p. 809 & 810. Ed. Foel.

tis, *Æquilibrii & Motus Legibus in Praxi instituenda Chirurgica & Obstetricia emolumenta redundant.*

Qui exacto iudicio ad haec fundamenta physica in humano corpore attenderit, perspiciet facile, nostrum corpus, five quiescat, seu moveatur, aequilibraturum, quamdiu *Linea* haec *barocentrica* in plano obambulet, quod latera pedum eorumque anteriores partes circumscribunt; prolapsurum contra, hos si transgrediatur limites.

Quis non animadvertit, iisdem ac in adulto in infantibus institutis experimentis, cum in capite medio non invenerit condylos; nec columnam vertebrarum flexuosam, sed rectam; — non os sacrum excavatum, sed omnia pelvis viscera, in adulto ibidem collecta, abdomine contenta; — quis, inquam, his visis, non intelligit, ex hac partium in corpore infantili egestate, evolutione demum perficiendarum (vel omissa etiam centri gravitatis contemplatione) ut caput erectum teneat *ἀδύνατον* esse; — *ἀδύνατον* ut progrediatur; — & , structura partium causam

fam dante, ex Lege physica per annulos abdominales, aliis simul accedentibus causis naturalibus, in Ramices infantes proniores esse (*)?

Quis ad infantum columnam vertebrarum, & locum, quem centra gravitatis motusque occupant, diversum attentus non videt, quam male illis hi consulant, qui *loris ductariis* infantes ad standum & incedendum invitent, aut magis impellant, quam ad hanc legem exsequendam Natura corpus finxerit? — Prorepere manibus pedibusque sinant, donec, Natura volente, congruat utrumque motus & aequilibrui punctum; — vel donec utrumque sustinere, experienciâ magistrâ, didicerint. — Hoc si fecerimus, Naturae sequemur institutum & quae abhinc bis mille annis jam docuit ARISTOTELES (**) secundum Naturam comperiemus verissima. *Infantes (inquit) non erecti*

am-

(*) Vid. Cl. CAMPER in Act. Harlem. T. VI. P. I. p. 264.

(**) Vid. De Animalium Incessu Liber Cap. XI.

ambulare possunt, quoniam omnes sunt pumiliones. — majoresque & valentiores, quam distet ratio, summas imis corporis habent partes: Procedente vero aetate infima majus accipiunt incrementum, donec ad justam perveniunt magnitudinem: tuncque erecti ambulare possunt.

Nec alio, AUDITORES, principio, quam ex diversitate centri motus & aequilibrîi infortunia deducenda sunt, quae toties infantibus accidunt, *Claudicationem* puta, non raro ex illorum gestatione imprudenti oriundam: — Quis enim, his bene perpensis, non videt, centrum motus, dum brachio sustinetur infans, gravitatem corporis mediî & ejus à centro gravitatis ad centrum motus superpondium non raro efficere, dum recidit infans, ut vis inferatur articulis femorum, atque exinde insanabilis producat^{ur} femorum luxatio, claudicatio perpetua?

Quod si utile sit & necessarium, ut, quo nostrum corpus ab injuriis tutum sit, utrumque illud conveniat punctum, quam *incuriose* se gerunt, *curiosae* caeterum, Mulierculae,

culae, quae tempore graviditatis tam prudenter corpus reclinant, quo foetus cum suo corpore aequipondium efficiat; — cum, ut forma scilicet evadat venustior, pedibus fulcra submittunt vacillantia, adscensu gravitatis centri ordinem Naturae interturbantia.

Ludicra haec concederem atque elevationem illam artificialem (ut in Architectura pulchri ergo affolet) quo earum statura eminentior & eurythmia compareat, condonarem, si Natura hunc ad modum sese flecti fingique sineret. — Verum vacillante inde oriundo gressu cum non raro pronae ruant; — distortionibus sint obnoxiae; — rotularum patiantur rupturas; & , quod maximum, quo se fulcris sustentent instabilibus, lumbos intropremant & inde diminuant pelvis suae amplitudinem, ut sibi ipsis; — ut nasciturae proli non noceant, haec serio caveant & à Sapientibus, ut POSIDONIUS fere voluit (*), inventum futrinum discant.

Huc

(*) Vid. SENECA in Epist. 90.

Hus usque, AUDITORES, Leges hasce in corpore, cui nullum fit vitium, consideravimus; at vero, si vitia adsint, quantopere & harum Legum Physicarum cognitio iis avertendis vel tollendis profit, & quo modo in his sese gerat Natura, paucis adhucdum circumspicere haud abs re erit.

Mollities ossium, quam, quia spinam dorsi maxime adficit, aut cum illius debilitate conjuncta est, Rachitin dicere solemus; — ille, inquam, ossium morbus, tenerae aetati, proh dolor! frequens nimium, à quacunque etiam causa ortus vitium parit, quo fit, ut corporis ponderi sustinendo imparia illa sint ac incurventur. — Hanc Legum Naturalium in humano corpore vim perspiciebat Chirurgus quanta cura illos non dehortari debet, qui ad ingressum infantes incitantes praecociorem, in causa sunt, cur hac corporis gravitate curvaturas contrahant artus inferiores, nec Natura, nec Arte emendandas! — Hoc vitium qui cum causa efficiente contulerit, in remediis roborantibus, frequentius datis; — in decubitu protracto & omnis in-

cessus abſtinentia curam inveniet mali & deformitatem avertet.

Nec prava haec agendi ratio, prava haec ad inceſſum incitandi conſuetudo venuſtam tantum hominis deturpat formam; ſed malorum majorum ſaepe cauſſa eſt: Qui ante dicta de pondere totius corporis in os ſacrum, cum ultima lumborum vertebra conjunctum, agente conſideraverit, hiſque capitum femorum preſſionem in coxarum cavitates addiderit, oſſium praeſente mollitie, totidem inveniet cauſſas, cur in puellis, Legum Naturalium in humano corpore neglectu, Pelvim deturpent & dato tempore parturienti & partui intercipient Naturae ſapientiffimum propoſitum.

Et haec AUDITORES, ex penitiori Medicinae ſcientia deprompta exempla ſi vos convincendo imparia forte fuerint, ad vulgaria & quotidie obvia animum advortamus, & quid fiat in ſpinae inflectione morboſa *lateralì*, vel *anteriori*, quae Σκολίωσις & Κύφωσις audit; — quid in inces-

ſus

sus vitio, *claudicatione ex utroque latere*, paucis examinemus.

In priori vitio ad Lineam propensionis attendamus, quid in utroque illo contingere debet? — istud certe, ut ex Lege gravitatis, quicquid supra laesionem invenitur, vel in latera deflectatur, vel in anteriora proclinet.

Ne igitur tali sub conditione in terram prosternatur homo, in laesione laterali, aut Naturae directione, aut Arte, in sanam iterum inclinet partem; — in altero vitio in posteriora rejiciat corpus oportet, quo flexuosa sic, & naturali quantumpote aemula, spinae forma redeat.

Et quod *Claudicationem* attinet: Quis est qui non noverit hujus inter causas referri, ut femorum capita articulis elabantur ac sede suâ mota in posteriore parte insistant illi? — Hoc si obtineat, benefica in tot aliis Natura huic quoque succurrit, novasque ad hunc locum cavitates

for-

format, quibus femorum capita sustineri possunt (*); verum cum hoc infortunio accidit, ut nec motus, — nec gravitatis Centra conspirent; — nec eodem in plano inveniuntur, alia insuper adminicula, iisdem physicis principiis innixa, in auxilium vocat Natura medicatrix.

Haec vitia ut reparentur, digitis pedum incedunt hi, Natura ducti, ac tarso metatarsoque attollendis tantum, tamque perfecte Centrum gravitatis evehunt, quantum & quam praecise motus Centrum adscenderit.

At sic quidem efficitur, ut motus & gravitatis utrumque conspiret Centrum, neutiquam ut coincidat: — Ergo protrudere lumbos atque oscillando progredi tenentur, quo caveant, ne Linea propensionis, nunc intra minus planum, à digitis pedum formatum, obambulans evagetur, & incedentis hominis ruinam proritet inevitabilem.

At-

(*) Vid. Cl. ALBINI. *Adn. Acad.* Tab. II. Lib. V. cum *Explic.*; Cl. BONN *Descript. Off. Morb. Thef. Hov.* p. 18. Ejus adject. *Dissert. de Callo* p. 164. 178. & alios Auctores.

Atque sic nulla extranea ope, suis instructa viribus, haec vitia corrigit humana Natura; nec tamen ita tollit, ut aliquoties imposterum non noceant: — Etsi enim vitio Claudicationis in tenera aetate musculorum actione ossium Ischiorum tubera exteriora versus emineant, pelvis inde postmodum evadat amplior & partus faciliior; quoties ab altera parte in Sexu sequiori, ex utroque vitio *Inflexionis Spinae* & *Claudicationis*, superioris pelvis apertura vitia contrahit, quae in partu & Matri & Foetui mortifera sunt!

Ex omnibus, quae attulimus, me quidem iudice, abunde constare videtur, studiosa Naturae observatione atque imitatione utramque, quam profitemur, Artem esse superstructam; nec aliâ, quam hac magistrâ edoctos viros fortunatosque fore Chirurgos atque Obstetricantes.

Atque hic dum explicit Oratio, ex hoc loco, AUDITORES, in quem escendi, descendere liceret, nisi hujus Diei solennitas aliud implendum juberet officium.

VESTRA curâ, PERILLUSTRES ACADEMIAE BATA.

TAVAE CURATORES, URBISQUE LEYDENSIS CONSULES AMPLISSIMI! VESTRA liberalitate, quâ ACADEMIAE dignitatem, celebritatem & decus augetis, voluistis, ut instituto, ante aliquot annos, NOS COMIO CLINICO, nunc quoque & CHIRURGIA PRACTICA & ARS OBSTETRICIA ex professo magis pertractaretur: Voluistis, ut sic Juventuti Academicæ & internos visendi morbos & externa curandi vitia frequentior daretur occasio; Artisque Obstetriciæ addiscendæ via *Domi* esset parata.

Utriusque Artis si consideremus præstantiam, amplissimosque, qui inde redundant in omnes Hominum ordines fructus, ipso in bene multis Reipublicæ nostræ locis fatali neglectu manifestiores, certe non potest non, quin bene de Scientiis, bene & cordate de Republicâ sentientes novum hoc quam maxime probaturi sint INSTITUTUM, VOBISQUE INSTITUTORIBUS laudes delaturi promeritas.

Quod autem, VIRI PERILLUSTRES! unanimi suffragio, hanc mihi demandare voluistis Provinciam, intimo quidem voluptatis animum sensu perfundit; at mentem simul muneris suscepti gravitate vehementer turbat sollicitamque tenet, quâ maxime ratione VESTRAE de me existimationi defuisse non videar.

Quod si assidua in promovendis ACADEMIAE commodis diligentia, labores indefessi & quicquid intensae conando vires valent, aliquam successus spem faciant, erit quod animum mihi in hoc negotio perdifficili addere aliquem possit, siquidem in omnibus hisce perferendis me nunquam defuturum asseverare aufferim.

Pro tanto interim honore & beneficio ita me VOBIS obstrictum habebitis ut, *gratiam etsi referre non potero, certe habere* (*) nunquam obliturus sim.

VES-

(*) CIC. de Off. L. 2. C. 20.

VESTRO patrocínio, MOECENATES OPTIMI!
me ulterius ne dedignabimini.

VOS, VIRI PERILLUSTRES! diu incolumes ser-
vet ac fospites NUMEN PROPITIUM, quo Reipubli-
cae salus redintegretur, — quo VESTRA sub aegide Doc-
trinae hoc Palladium tutum sit; — quo desideratissimos,
quos à tantis VIRIS expectant jure, fructus colligant
Batava Respublica, Academia Leydensis & Universus ho-
minum doctorum Ordo; — & quo denique, post fatalem
horam, quam fero adventuram speramus, VESTRA in-
delebilis sit memoria & Belgarum in animis monumentum
VOBIS positum reperiatur, & aere & marmore peren-
nius!

Ad VOS me converto, DOCTRINARUM OMNIUM
PROFESSORES CLARISSIMI! — Inter caetera, quae
Procerum benivolentia ex oblato munere mihi commoda
spondeo, hoc certe magnum duco, ut Virorum eruditio-
nis laude clarissimorum consortio dum frui licet, ex ditis-

suma VESTRAE doctrinae copiâ utilitatis fructus mihi colligere possim optatissimos, VESTRO que incitatus exemplo, conatus in opere, quod suscepi, perferendo, tanto majores instituam, quanto longius à consummata VESTRA eruditione scientiae meae tenuitatem abesse sentio.

VESTRUM autem favorem & amicitiam uti humanissime expeto, ita utrumque omni officiorum genere demereri conabor.

Vos autem ut imprimis compellem, ARTIS MEDICAE ANTISTITES CLARISSIMI! jubet pietatis officium: Si VESTRI ingenii & doctrinae laus mihi, ut omnibus, nota dudum & celebrata; — si cognita VESTRA in ACADEMIAM merita muneris in me collati honorem eo insigniter auxerunt, quod VESTRIS laboribus meam qualemcunque ad Artis pomaeria extendenda operam fociare liceat, habet hoc ipsum, quod magnis etiam animis metum sollicitudinemque incutere queat. — Meae igitur tenuitatis probe conscius, dum pensum, quod suscipio, intueor, animum

num pene desponderem, nisi in VESTRIS consiliis auxilioque certum mihi superesse] praesidium perferentem: Cumque tot aliis favoris & benivolentiae documentis, VESTRUM PLURIMI, me VOBIS in aeternum devinxistis, ut novum hoc beneficii genus caeteris addere non dedignaturi sitis, pro VESTRO, quo erga me estis animo, ausim sperare, confidere.

In VOBIS, NOBILISSIMIS, ORNATISSIMIQUE JUVENES, PHOEBEO DEVOTA PECTORA! denique definit Oratio. — Audivistis, quâ curâ VESTRIS studiis almae hujus Academiae Moderatores prospicere voluerint, effecerintque, ne pro Artis Medicae amplitudine, quâ hodie colitur, quod edoceri posset, deficeret quicquam: nec dubitabitis, opinor, si viribus maxime potentem, utilitate amplissimam, necessitate summam mecum consideretis utramque, quae manu auxiliatur, artem, Medicorum illam attentione & solerti studio dignissimam habere ac suscipere; utque turpi neglectu diu nimis derelicta & nutrice

male sedulâ excepta, almae tandem Matri, MEDICINAE, red-
datur, vehementer optare.

Talis si VOBIS stat sententia, me *Commilitonem*, &
si velitis, *Ducem* habebitis indefessum : — VOBIS studiis-
que VESTRIS, quidquid in me est scientiae; — quid-
quid exercitationis ; — quidquid virium nunquam non
erit dicatum: Cumque verissime asseruerit TACITUS,
*quod ad utilitatem vitae omnia consilia factaque nostra
dirigenda sint*, ita aliquando profuisse maximum mihi erit
jucundissimumque laboris praemium!

D I X I .